

Ho nyaolwa mosebetsing ha Mohlanka wa mehleng ya ka Sehloohong wa Molao e leng Refiloe Mokoena ke SARS ho hloka leeme

Tshwane, 15 Phuptjane 2021 – SARS e ananela qeto ya Khomeshene ya Poelano, Bonamodi le Tharollo ya Diqabang (CCMA) e bolelang hore ho nyaolwa ha Mohlanka wa mehleng ya ka Sehloohong wa Molao Adv Refiloe Mokoena ho hloka leeme.

Kahlolong ya yona ya la 14 Phuptjane 2021, CCMA e qheletse ka thoko tseko ya Mme Mokoena ya hore ka nako eo SARS e neng e fedisa tumellano ya hae ya khiro ka mora hore a fumanwe a le molato ka mora dikgato tsa kgalemo, e entse jwalo ka tsela e leeme.

CCMA e qheletse ka thoko ntlhakemo ya Mme Mokoena ya hore ha ho nyewe kgahlano le yena. E ile ya boela ya se ananele qeto ya Mme Mokoena ya ho se fane ka bopaki kapa hona ho bitsa dipaki ho tla tshehetsa nyewe ena ya hae.

SARS e ile ya nyaola Mme Mokoena ka Pudungwana 2019 ka mora ho phethela kgalemo ya matsatsi a mahlano. Mafelong a kgalemo ena, Mme Mokoena o ile a fumanwa a le molato wa boitshwaro bo hlephileng diqosong tsena tse latelang:

- Hore o bile le seabo dipusetsong tsa VAT tsa boleng ba R150-million ntle le mabaka a utlwahalang a ho etsa jwalo.
- Hore Mme Mokoena o ne a se na tsebo e hlokehang ya lekgetho le kapa ya molao feela le ha ho le jwalo o iphaphantse le SARS mmoho le ditsebi tse ka ntle tsa lekgetho mme a phetha dintho a ikamahantse le karolo e seng e phumutswe ya Molao wa VAT ho tshehetsa ditaelo tsena tsa hae tsa hore dipusetso tsa Oakbay di leshwe akhaontong ya mokga wa boraro.
- Hore o bakile hore ho arolelanwe ka lesedi la molefalekgetho mme sena se kgahlano le dipehelo tsa molao wa lekgetho tse bolelang hore lesedi la molefalekgetho le tlameha ho dula e le sephiri.

SARS e ile ya dumellana le diphetho tsena tsa dikgato tsa molao tsa hore diqoso tse neng di le kgahlano le Mme Mokoena e ne le tse matla, le hore o entse sena ka tsela e hlokanang botshepehi mme o bontshitse boitshwaro bo mmehang ka mosing ho ka ba Mohlanka ya ka Sehloohong wa Molao wa SARS.

Kahlolo ena ya CCMA e tla thusa SARS hore qetellong e tlise taba ena pheletsong le hore e tsepamise maikutlo a yona a ho etsa hore mokgatlo o tswele pele.